

STJÓRNARTÍÐINDI B 88 – 2003

Nr. 568

1822

17. júlí 2003

AUGLÝSING

um deiliskipulag í Kópavogi.

Vatnsendi. F-reitur (vesturhluti). Deiliskipulag.

Í samræmi við skipulags- og byggingarlög nr. 73/1997, með síðari breytingum, hefur bæjarstjórn Kópavogs þann 27. maí 2003 samþykkt tillögu að deiliskipulagi vesturhluta F-reits í Vatnsenda. Deiliskipulagssvæðið afmarkast af fyrirhuguðum húsum við Fellahvarf til austurs, Vatnsendabletti 5 til suðurs, breyttri legu Elliðahvammsvegur til vesturs og núverandi Vatnsendavegi til norðurs. Í tillögunni felst að á deiliskipulagssvæðinu verði byggð þriggja hæða fjölbýlishús með 42 íbúðum. Tillagan er sett fram á uppdrætti í mkv. 1:1000 ásamt greinargerð og skipulagsskilmálum dags. 19. júní 2002. Tillagan var samþykkt óbreytt en eftirfarandi lagfæringar voru gerðar á deiliskipulagsgögnum: skilmálar um staðsetningu húsa innan lóðar voru gerðir skýrari, bætt var inn skilmálum um sameiginleg leiksvæði auk upplýsinga um hljóðvist.

Uppdrættir hafa hlotið þá meðferð sem ofangreind lög mæla fyrir um.
Skipulagið öðlast þegar gildi.

Kópavogi, 17. júlí 2003.

Birgir H. Sigurðsson skipulagsstjóri.

Nr. 569

23. júlí 2003

AUGLÝSING

um öryggisráðstafanir vegna innflutnings á lifandi laxfiski og hrognum sem eiga uppruna sinn í Færeyjum og Noregi.

1. gr.

Af heilbrigðisástæðum vegna veirusjúkdómsins blóðþorra (ISA) er óheimilt að flytja inn lifandi fisk af laxfiskaætt (Salmonidae) sem á uppruna sinn í Færeyjum og Noregi.

Einnig er óheimilt að flytja inn lifandi hrogn fiska af laxfiskaætt (Salmonidae) sem eiga uppruna sinn í Færeyjum og Noregi nema hrognin hafi verið sótthreinsuð tvisvar, bæði